

Nunatsiavut katimajitsuangit

PikKujak ÂkKegiannimi Labradorimi Inuit Nunangita PikKujanganik, CIL L-1

kajusittitaulilli Nunatsiavut AngajukKânganut Nunatsiavullu katimajitsuanginnut imailingatillugu:

NAITTUK TAJAUGUSINGA

1. Tamanna Inuit Maligatsanga taijaugunnagivuk *Labradorimi Inuit Nunangita ÂkKigiattauningita PikKujanga, 2019.*

ÂKIGIATSINIMMI LABRADORIMI INUIT NUNANGITA PIKKUJANGANIK

2. **Allasimajuk 1.2-mi Labradorimi Inuit Nunangita PikKujangani âkKigiattaujuk petlugu tukiliuttausimanninga "atuttausok" asitâtlugu makuninga:**

"Atuttausok" tukilik:

- (a) aittosiak, nalunaikkutak taigusimmut, ingiggautinut, sulitsigutet, illumut nalunaikkutak, nunanguak, pannaigutik, Kimaigutik, namminiugutik ajulisimajuKatillugu, maligatsatigullonet nalunaittausimajumik, allagannik suliaKapvimmit, maligatsatigullonet nalunaittausimajuk aulatsivimmi, akiligiallilonet;
- (b) ikKatuttaugutik tilijaugutillonet idluatsaiviup;
- (c) angiKatigegutik pitsatuniKattitaunnilonet;
- (d) asigiallangalonnet sunatuinnait allasimajunik

ilinganiKajuk attuiniKajullonet notsinimmi sunamik kamagiaKannimillonet sunamik nalunaitsinimilonnet taijaugusik isumaKautiKannilonnet Labradorimi Inuit Nunanginnik;

3. **Allasimajuk 2.11-imi Labradorimi Inuit Nunangita PikKujangani âkKigiattaumajuk ilagiatlugu imailillittilugu allasimajop ilagiagutingani:**

- (3) Unnet sunait allasimaKatigegaluappata 2.11(1)(a)(i)-mi, allasimajuillu 2.11(1)(c)-mi allasimajuillonet ilagiagutingit 2.11(2)-mi tamatsumani PikKujaujumi asiagogaluappat, Ministarik pionsgutitsigunnaKuk Inummik iniKagunnaKullugu Labradorimi Inuit Nunangani ilanganilonnet Labradorimi Inuit Nunanginni NiKitsanik katitsuigunnaKullugu malillugu allasimajuit 4.25-imi tamatsumani PikKujammi.


Jan 23/2019

4. **Allasimajuk 2.18-imi *Labradorimi Inuit Nunangita PikKujangani* âkKigiattaumajuk petlugu allasimajuk 2.18(a)-imi asitâtlugulu imaililittilugu:**
- (a) pitâKattaluni âkKisuiKattalunilu ilonnainik ottugautinik immigolingallutik isumaKautiKappata Labradorimi Inuit Nunanginnik asiagut ottugautet pitâgiamik sunanik Atuttausonik pigunnatitaunnimi iniKasongugiamik Labradorimi Inuit Nunagijanginni NiKitsanik katitsuisongugiamut;
5. **Allasimajuk 2.19-imi *Labradorimi Inuit Nunangita PikKujanga* âkKigiatlugu numuranga allasimalittilugu (1)-imik ilagiatlugulu allasimajumik ominga:**
- (2) Allasimajop ilanga 2.19(1)-imi atunniKalungilak ottugautinut pitâgiamik sunanik Atuttausonik pigunnatitaunnimi iniKasongugiamik Labradorimi Inuit Nunanginni Nikitsanik katitsuisongugiamik atâgut allasimajumi 4.25-imi tamatsumani PikKujammi.
6. **Allatausimajuk ilagiagutimmi 2.28(2)-imi *Labradorimi Inuit Nunangita PikKujangani* pejaumajuk asitâtlugulu imaililittilugu:**
- (2) Allatausimajuk ilaggiagutimmi (1)-imi atunniKalungilak pitâtitsisongugiamik sunanik Atuttausonik pigunnatitaunnimi iniKasongugiamik Labradorimi Inuit Nunanginni NiKitsanik katitsuisongugiamut atâgut allasimajummi 4.25-imi tamatsumani PikKujammi.
7. **Matumani allasimajumi 2.29-ami âkKigiattaumajuk ilidjvigitlugu ukuninga uKausinik “ubvalu sunamik Atuttausomik pigunnatitsinimmut iniKasongugiamik Labradorimi Inuit Nunanginni NiKitsanik katitsuisongugiamut” imaittuk tittak (“) sivunganetsiatillugu tamakkua uKausinni.**
8. **Allasimajumi 3.2-mi Labradorimi Inuit Nunangita PikKujangani pejaumajuk allasimajuKagunnaitlunilu.**
9. **Allasimajumi 3.3-mi Labrador Inuit Nunangita PikKujangani pejaumajuk asitâttautlunilu imaililittilugu:**
- 3.3 AngajukKaunet katimajingit, uKaudjigiagusingagut Ministarip, pikKujaliangutitsijutsaujuit maligatsaujunik sittutitsigiasongunnimi akigattotaujunik sakKigajattunik pitjutigillugu piusituKagillugu nunamik nammiuniusongunnik Kanullonet pimmagiuttigimmangâ Kanullonet takunnataugusigijanga.
10. **Allasimajumi 4.2-mi *Labradorimi Inuit Nunangita PikKujanginni* âkKigiattaumajuk numuranga allasimajumi ilagiagutigitlugu (1)-nimi ilagiatlugulu imaililittilugu allasimajumi ilagiagutimmi:**
- (2) Nunamik tigumiasongunningit IkajuttaugutiKangituit sollu allasimammat 4.1(b), 4.1(c), 4.1(d), 4.1(e) 4.1(g)-millonet, aittutaulungilat pivitsaKagiamik NiKitsasiusongugiamik Omajunik Oganilonnet Labradorimi Inuit Nunagijanginni pivitsaKalugatillu, nunattâtaugunnalugatik, isumagijaulugatik pigunnatitaulugatillonet pillugit Omajuit Ogannilonnet.
11. **Ilangata 4-ami *Labradorimi Inuit Nunangita PikKujanga* âkKigiattaumajuk ilagiatlugu nutângulittunik imaililittilugit:**

IniKattitausonguningit IkajuttaugutiKangituit NiKitsanik katitsuisongugiamut

- 4.25 (1) Nunatsiavut kavamanga allasimannikut Atuttausokkut pisongutitsigunnaKut IkajuttaugutiKangitunik iniKasongugianginnut Labrador Inuit Nunanginni nunaulonnet ilangani ilanganilonnet Labradorimi Inuit Nunangita NiKitsanik katitsuigunnaKullugit pititsigunnaKut, ungunmagunnaKut, pigunnatitsilugatillonet NiKitsanik katitsuisongugiamik NiKitsanillonet katitsuisongunnimi piusiusonik tamatsumaup Atuttausongujop atâgut.
- (2) Ministarik âkKisuigunnaKuk pannaigutitsanik angiKatigegutitsanillu namminilinnut aulatsijinnulonnet silakKijapvinik aullâsimavinik pigunnatitsigajammata niuggusimajunik aigunnaKullugit Labradorimi Inuit Nunagijanginnut Nunaulonnet ilanganut ilanganulonnet Labradorimi Inuit Nunanganut NiKitsanik katitsuigiattulutik maligiaKallutik malittaugialinnik, piusiukKujajunillu sollu Ministarik pikKujigunnaningagut.
- (3) Ministarik inummik pitsatuniKattisigunnatuk, ilauKasiutillugit IkajuttaugutiKangituit ilagijauunillonet timiKutiuppat, aigunnaKullugit Labradorimi Inuit Nunagijanginnut Nunaulonnet ilanganut ilanganulonnet Labradorimi Inuit Nunanginnut tingijokkut NiKitsanik katitsuigiattulutik maligiaKallutik malittaugialinnik, piusiukKujajunillu sollu Ministarik pikKujigunnaningagut.
- 4.26 Atuttausongunigâttak âkKitaumajuk atâgut allasimajumi 4.25-imi tamatsumani PikKujajumi imailingavut:
- (a) pivitsaKattisinnik inummik atiKattitaujumi pisonguttitauKullugu iniKasongugiamik Labradorimi Inuit Nunanginni malinginnatuappata malittaugialinnik piusiukKujajunillu tamatsumani Atuttausongunigâttami;
 - (b) âkKisilungilak pivitsaKattisillaginnimik, namminiutitsinnimik isumaKattitaunninganilonnet nunaKalinninganik;
 - (c) pitâttitaujop pigigunnaKauk, asianullu âjaugunnalungilak asianulonnet nottaugunnangilak;
 - (d) Kimiggutattitausongujutsauvullu suliaKattimut, angajukKaunimmut kiggatuttimullonet Nunatsiavut kavamangani atiKattitaujumut Atuttausonguttitaujumi KinugattuKatuuppat,
 - (e) nukKatitausok Nunatsiavut kavamanganut pigumatuappata, Kaujitsingikaluagutillu;
 - (f) laisinsiKattitaupata pitaKasonguniKattitaupatalonnet atautsimik (1) jârimit pitaKasonguninga Kângiutinialungituk asianillu pitaKattitaupata pitaKattitaunningit Kângiutinialungituk tallimanik (5) jârinik nutângutitaugunnaluganilu tigumiattauningalu aungagiak âkKitaugunnaluganilonnet;
 - (g) akiligatsamik akilettitaugajammijuit;

- (h) aittutaugajammijuillu asinginnik maligatsaujunik pusiukKujaujunillu Nunatsiavut kavamanga taimâk pigiaKanniminik isumaKatuappat uKautijaugajatuagutillonet âkKitaugajatuappalonnet maligatsani atâgut allasimajumi 4.30-mi tamatsumani PikKujammi
- 4.27 Ministerik, sivungagut Kaujitsingikkaluaguni, nukKatitsigunnaKuk, nukKangalaullatitsigunnaKuk asiangutitsigunnaKullonet maligatsanginnik AtuttausonguniKattitaunniup allatausimajunik 4.25-imi atâgut allasimajumi PikKujaujumi angajukKaujuk maligatsait malillugit atâgut allasimajumi 4.30-mi tamatsumani PikKujaujumi malittautitsisiagasuannimi pigunnautiujunik, laisinsinillu asinginnillonet AtuttausonguniKattitaunniujunik âkKitaumajunik atâgut allasimajumi 4.30-imi maligatsanillonet pikKujaugusiujunillu allasimajunik pigunnautiKatsiatunnimi laisinsiKattitaunnimillonet.
- 4.28 Kaujitsiutik nukKatitaunimmik, nukKangalaullatitaunimik asiangutitaunninganillonet AtuttausongunniKattitaunniup atâgut allasimajumi 4.27-imi tamatsumani PikKujammi âjaugunnaKut uKausittigut, allasimajuttigullonet namminillu âtsijuKalluni, allatâvikkut inojuit Kaujitaugusingitigullonet.
- 4.29 Nunatsiavut kavamanga pigumangituinnagiaKavuk âkKisigiamik AtuttausonguniKattitaunimmik atâgut allasimajumi 4.25-imi tamatsumani PikKujammi inummut Ministerip atuttautitsisiagasuannimillonet kamajiup Kaujisimappauk malisimanginganik maligatsanganik tamatsumaup PikKujaujop, maligatsaujop âkKitaumajop atâgut tamatsumaup PikKujaup maligatsaullonet âkKitaumajop atâgut tamatsumaup PikKujaup maligatsaujullonet pusiukKujaujullonet atunniKagunnatuk âkKitaumajullonet taimaittumut atuttaugunnatitaujumut âkKitaumajumi atâgut allasimajumi 4.25-imi.
- 4.30 AngajukKaunet katimajiingit pigunnatuit, Ministerip uKaudjigiagusingagut, maligatsaliugunnatuit pitjutigillugu atuliaKittitaugunnaningit allasimajuit 4.25-imit - 4.29-amut, iluingatillugit, tamatsumani PikKujammi ilauKasiutillugit, apviataugunnangingingit, maligatsaujuit:
- (a) sulijugillugit Atuttautitaugunnatuit pigunnatitsijuit iniKatitsisongugiamik Labradorimi Inuit Nunanginni NiKitsanik katitsuisongugiangit IkajuttaugutiKangituit atâgut allasimajumi 4.25-imi sugalanniusongunnilu NiKitsanik katitsuinimmi atâgut tamatsumona Atuttautitaugunnatukkut;
- (b) Kaujimajautillugit allasimanningit, pitangillu Kinugautet Atuttaugunnatitaujuni taijaujuit allasimajumi 4.25-imi, Kaujimajaugialet ilijaugialet ilinganiKattilugit Kinugautiujunut Nunatsiavullu kavamangani angajukKauninginnut angajukKauninginnulonnet âtsiviugialinnut Kinugautinik;
- (c) Kaujimajautillugit allasimanningit, pitangillu Atuttaugunnatitaujuit taijaujuit allasimajumi 4.25-imi ilijautitsilutillu Nunatsiavut kavamangani angajukKaujinginnik angajukKaujinginnulonnet katimajinginnilu pitsatuniKattitaujunik âkKisuisongugiamik tamakkuninga;
- (d) âkKisuisongullutik akilittaugialinnik atugatsanik tamakkunani Atuttautitausongujuni atâgut allasimajumi 4.25-imi pitaKattisinnimilu atuttaugunnaititsinimmik akiligialinnik taimâk pigiaKagutik;

- (e) pitaKatitsilutik nukKatitsisongugiamik utittisongugiamillu Atuttautitausongujunik âkKitaumajunik atâgut allasimajumi 4.25-imi ilijautitsilutillu angajukKaujinginnik malittaautitsigajattunik, nukKatitsigajattunik, utittisongugajattunillu tamakkuninga;
- (f) âkKisuisongulluni maligatsanik, pusiugialinnilu ilinganiKajunik tamatsumunga Atuttautitausongujumut atâgut allasimajumi 4.25-imi ilauKasiutillugu ungumattaugunanginninga sulilu pitâgijausongulluni, NiKitsanik katitsuinik, omajunik asikKitailinnik, Avatiujumik kamatsianimmik, Kanutuinnalu pigalagunnanik asiagut NiKitsanik katitsuiniup;
- (g) adjigettisigasuanik adjigengitunik pigalausiujuunik adjigengitunilonet inunnik tigumiajuunik Atuttautitausongujunik âkKitaumajunik atâgut allasimajumi 4.25-imi ilauKasiutillugu, ungumattaugunnanginik, IkajuttaugutiKangituit niKitsanik katitsuigutjisongunningit asimminik IkajuttaugutiKangitunik, IkajuttaugutiKangituit NiKitsanik katitsuijuut Aullaigatsanillonet OmajunniatuKanningani, aullâsimavimillonet silakKijapvimi, aullâsimavimmi, illumilonnet, IkajuttaugutiKangitop tigumiattangani, najuttigittangani, pigunnatitaunnganillonet atâgut allasimajumi 4.12-mi tamatsumani PikKujajumi;
- (h) tukitâginnik uKausinik, uKausinillu atuttaujunik allasimajumi 4.25-imi tamatsumani PikKujammi, atuliaKittitagajattumi allasimajumi 4.25-imi.

12. Allasimajuk 11.3-imi Labradorimi Inuit Nunangita PikKujangani pejausimajuk asitâttautluni imaililittilugu:

11.3 IlusiKavut ilonnatik Atuttausongujuit pisongutitsilutik inummik isumaKatiKajuKappat Labradorimi Inuit Nunanginnik pivitsaKattisongunnillonet, pisongutitsinik laisinsitâginnillonet atâgut tamatsumaup PikKujaup, malitsiagalauummangât Atuttausongujumi malitsiangikkaluappalonet, kamajujuk aigunnaluni nunamut, Nunauillu ilanganut Labradorimi Inuit Nunanginnut atanniKajumut Atuttautitausongujumut, tamatsumani PikKujami uKausittangit PikKujaup uKausittangit malittaugalauummangâta atâgut tamatsumaup PikKujaup.

13. UKausittangit (b)-mi ilagiagutimmi Allasimajumi 11.5(1)-imi Labradorimi Inuit Nunangita PikKujanginni pejausimajuk asitâttautluni imaililittilugu:

(b) inuk atuppat nunamik Labradorimi Inuit Nunangani sugalappalonnet Labradorimi Inuit Nunangani taimâk pigiaKalugatik atâgut Inuit piusingitigut, piusituKangitigullu pitsatuniKattitaulungitullonet pisonguniKattitaulungitullonet tamatsumona PikKujakkut, tamatsumonalonnet nunamik atusonguttitaunnikut maligatsamik malilluni,

PITSATUNITTATAUNNINGA

14. Tamanna PikKujak pitsatunittâtauvuk allatausimatualippat atâgut Nunatsiavut Maligatsangita Allatasimanningita PikKujanganni.